



Siunissamut isigaluni pisariaqartitat aallaavigalugit ulluunerani paaqqinnittarfinni atorfinitsitsinernut, ilinniartitaanernut, pikkorissaaqqinnernut ilinniarsimasunillu sulisunik attatiinnarsinnaanermik qulakkeerinninnissaq siunertaralugu UPA 2017-imi periusissanut iliuuserisaassanullu pilersaarummik saqqummiussinissamik Naalakkersuisut peqquneqarnissaannik Inat-sisartut aalajangiiffigisassaannik siunnersuut.

(Inatsisartunut ilaasortaq Peter Olsen, Inuit Ataqatigiit)

(Siullermeernera)

Ilumoorpoq meeqqat eqqumanerminni piffissaq annerpaaq atortarmassuk meeraqateqarlutik paaqqinnittarfimmi aamma perorsaasut ilagalugit meeraaqqerivinni aamma meeqerivinni. Taamaattumik pingaartorujussuuvoq inunnguit taakku, ilinniarsimasut meeqqanut pinerliisimanninnermut allagartaqarnissaat assigisaannillu.

Matumani siunnersuummi qularnaarusunneqarpoq, ersarissarneqassasoq qanoq iliornikkut perorsaasut imaluunniit inuit taamatut atorfillit, pitsaanerusunik sulinerminni atugaqalersinneqarsinnaanersut. Naalakkersuisut aamma tassani isumaqataapput aamma qinnutigaaat piffissalernerneqarnissartik iternga tikillugu misissuisoqarnissaanut, ukioq ataaseq qaangiuppat saqqummiusserusullutik. Tamanna Demokraatise isumaqarpugut nuannerluinnartoq aamma pitsaalluinnartoq, taamaattumik tamakkiisumik taperserparput.

Kissaatigaarput misissuinerme tassani ilanngunneqassasut sullivimmi avatangiisit, sulisut ilanngutinneqartarnerat aamma perorsaasutut, barnemedhjælperitut paarlatsitullu sulisut piginnaanivii ilanngukkusuppagut. Aamma kissaatigaarput Naalakkersuisut peqatigitillugu misissussagaat allaffimmiutut aqutsisussatullu sulisussanik atorfinitsitsisoqarsinnaanersaq pitsaanerusumik isumaginnittussanik ingerlatsinermut, pisiniarnermik aamma uppersaasersuinerme, taamaasiornikkut perorsaasutut ilinniarsimasut allallu suliarinerusinnaalissammassuk perorsaanikkut tunngavinnik sulisunut ilinniartitsineq, meeqqat



ulluini perorsaaniqut sinaakutissanik pilersitsineq, inerikkiartuutaasumik pinnguaatinik pilersitsineq aamma tamanik ilanngutsitsinissaq il.il.

Aamma kissaatigeqaarput Naalakkersuisut misissussagaat ataatsimoortumik qarasaasiakkut aaqiisummik atuarfimmi atorneqartup assiganik (Attat) nutaalamik pilersitsisoqarsinnaanersoq meeqquerivinni sulisut allanilu suliffinni assigusuni sulisut aallerfigisinnaasaannik attavissanik, isumassarsianik aamma isummanik paarlaasseqatigiiffigisinnaasaannik. Sualummik illoqarfinni minnerni nunaqarfinnilu sulineq kiserliornarsinnaasarpoq assigaaaginnalerlunilu pineqartullu sulisut isumassarsianik pissarsinnaaneq ajormata qarasaasiakkut oqaloqatigiiffiusinnaasoq iluaqutaasinnaassagalarpoq.

Kingullertut minnerunngitsumillu siunnersuuteqartup allanneranut imaanngimmat ilinniarsimangitsut "meeqqatsinnik sullissisutut atorsinnaanngikkigut" . Taakku akornanni piginnaaneqartunik sulisoqassajunnarsivoq aamma kulturitsinnut tunngasunik ilinniarsimangitsup nassataanik. Soorunami sulisut ilinniarsimasuuppata pitsaanerpaasussaavoq, soorunami, kisianni ukiorpassuugunartut aatsaat qaangiuppata tamanna piviusunngorsinnaavoq, ajoraluartumik, taamaattumik takkajaamik ilinniarsimasunik perorsaasunik tamatigut sulisoqartarnissamik naatsorsuuteqarneq meeqquerivinni amerlanerpaani takorlooruminaassajunnarsivoq.

Tamanna sulissutigissavarput aamma eqqaamassavarput barnemedhjælperitut ilinniarsimasut, allatut ilinniarsimasut ilinniarsimangitsutullu sulisut ataqqineqassammata nersualaarneqartarlutillu aamma piginnaanerit misissorneqarnissaat misilittakkallu aamma eqqarsaatigineqartariaqarmata meerartatsinnik sullissisutta nersualaarneqarnissaanni.

Pikkorissarnerit, piginnaanngorsarnerit ilinniarnertu nunatsinni iluaqusiiffissaat annertuumik tassaavoq toqqissisimangitsunik kinguaassiutitigullu atonerlunneqarsimasunik, angerlarsimaffimmi persuttarneqartartunik imaluunniit kaattunik takunnissinnaaneq - aamma qanoq iliornissamut ilisimasaqalersitsisartut ersiutit taamaattumik siumussagaluaraanni.



Aamma soorlu eqqiluisaarnermut pikkorissarnerit, perorsaanikkut tunngaviit pingaarnerit aamma allat atortussat meeqqerivinni sulisunut kissaammertitsisinnaasut ilisimanissaat pisariaqarpoq.

Taamaattumik kissaatigaarput Naalackersuisut tamakku aamma nassarumaaraat isumagalugulu suliniutissat pillugit ilinniartitaanermut naalackersuisoqarfimmi, peqqissutsimut aamma ilaqutariinnermut naalackersuisoqarfimmi assigiinngitsunik ilinniarsimasut suliniutit pillugit suleqatigiisinnissaat soorlu PI/SPS-mi allanilu immaqa allani tulluurtuni atorneqarsinnaasunik.

Paasilluarlugu nassuiaat aatsaat UPA 2017-mi saqqummiunneqarsinnaajumaartoq inassutigaarput siunnersuutip Ilaqutariinnermut Peqqissutsimullu Ataatsimiititaliami suliareqqinneqassasoq.